

ضي القمر

يابنت ضي القمر

إمتى بقى تحني

تعبان بقالى سنين

وبناري مستني

الله يجازي الهوا

دا العشق جَنّني

كفاية تقل ونوي

أهو ترحمي سِنّي

لا لينا بَعْدِكَ ونس

ولا لينا حضن يضم

الأم يعني حياه

وحياتنا إيه غير أمّ

بُعْدِكَ ألم وعذاب

وحياه ماتتَحسّش

القلب داب م الاله

فيه الوجع عَشش

مش حاسه ليه بيا

الدمع سال مخنوق

محتاج ل حنيه

الله يجازي الشوق

ليل الشتاء قاسي

والعشق ناره حروق

يللي سهرت الليل

يا ولدي كنت خازوق

نظرات عنيتها سهام

والشوق... بيندهلي

حاولت ... اجاريهم

خطفوني من اهلي

القلب ما يتلام

مدفع..... موجه لي

أنا قولت نفسي ومنايا

ف الحسن تشبه لي

طلعت حكمة عيون

يا ويلي من جهلي

غمضت عيني أحلم

ف الحلم جات..هي

مش بس وردة لقيت

دي وردة....جورية

سألتني إيه طلبك

ومبيته.....النيه

قُلت القلب عشقان

مغرم يا حورية

لو حظي يضرب أخ

تقسم تكوني.... ليا